

***Kibaaroolu, mennu danteeta
Januwari, Febuwari anij Maaci karoo kono
sanji 2005***

Kibaari kutoolu be santo

Momodou Justice Daabo 29.03.2005

mandinka.org -sayitoo jombota

Mandinka kibaari safeerilaalu la kafoo anij WEC International bii i ye webu-sayitoo jombo WEC Koridaa baa to. Niij webu-sayitoo be kibaaroolu, taaliŋolu, kankulaaroolu anij feŋ jamaa le soto la. A be diyaamu la tumoo meŋ na kafoo la siirantiyo tooyaa la Moodu Kante ye niij tandi de, kafoo loota le tumoo meŋ na, WEC ye deemaaroo dii kibaari safeerilaalu la ka i karandi Mandinka safeeroo la. A ye niij fo de, webu-sayitoo kummaayaata le baake, baawo a be Mandinka kanfolaalu maakoyi la le duniyaa kono ka kata ñoo la.



A be diyaamu la tumoo meŋ na, minisita meŋ marata kibaaroo la, londi lukariŋo anij futañoomoo, Amadu S. Jaane (meŋ be nataaloo to bulubaa karoo la), ye niij fo ko de, niij temboo Kambiya bankoo ye ñaatotaa baalu le soto londi lukariŋola faŋ naa la. Wo kamma la a naata tandi de webu-sayitoo la jamboroo kummaayaata baake le. Minisita Jaane ye a la kontaanoo tandi Mandinka safeerilaalu niij WEC la katoo to puru ka i la webu-sayitoo jombo. Minisita Jaane ye safeerilaalu wakilindi i si katoo lafaa puru webu-sayitoo si taa ñaato. Aduŋ a ye kafoo laamaaniyandi Kambiya mansakundaa la maakoyiroo la waati-wo-waati.

A be diyaamu la tumoo meŋ na, WEC la koridaa tiyoo, *Wolfgang Pfaw*, ye a la kontaanoo tandi beŋo niij to. A naata fo ko de WEC mu duniyaa kafu le ti, meŋ ka Kambiyankoolu maakoyi londoo karoo la, senoo anij jaatakendeyaa. WEC la koridaatiyo ye niij yitandi de webu-sayitoo jomboluŋo mu luŋ kummaa baa le ti. Wo kamma la a naata kibaari safeerilaalu jayi i la wakilloo kaŋ.

A la diyaamoo to, meŋ faŋo be kuwolu kooma, *Mr. Jouni Jaakkola*, WEC Mandinka Keebaa Karaŋ Bundaa la ñaatonkoo ye a la kontaanoo tandi webu-sayitoo jomboroo to. A naata fo ko de, niij webu-sayitoo be a saabu la moolu si Mandinka kuloo samba naŋ i la kompita kono aduŋ a be kibaaroolu, kankulaaroolu, taaliŋolu, leetaroolu anij feŋ jamaa soto la le. *Mr. Jaakkola*, ye niij tandi fanaa de, webu-sayitoo be kummaayaa la le baake baawo a be ñoo moyoo sooneeyandi la le Mandinka kanfoolaalu kono. A naata niij tandi de, m be niij temboo meŋ to, hadamadiŋo meŋ ka niij webu-sayitoo juubee, i yirikoo be siyaa kaŋ ne luŋ-wo-luŋ.

Mamadu "Justice" Daabo 27.03.2005

Kambiya la tombondiroo AGOA

Amerikankoolu la embasi (*embassy*) meɗ be Banjunu, ye ò la kontaanoo tandi Kambiya bankoo la tombondiroo to ka neema AGOA la nafaalu la (*African Growth and Opportunity Act*).

AGOA mu kafu le ti meɗ ka a tinna Moofinduu bankoolu ka nafaa soto safaaroo to, ò niɗ Amerika ka meɗ ke.

Ñiɗ tombondiroo mu kutayandiri tombondiri le ti, Amerika bankoo ye meɗ ke tumoo meɗ na, ò naata ñaafaa baa soto Kambiya bankoo la kuwo to, sako maraloo aniɗ hadamadiɗolu la ñanto tankandiroo.

Ñiɗ tombondiroo be a tinna le saayiɗ Kambiya bankoo ye siloo soto ka a la seneɗeɗolu, ñewolu, bayoolu aniɗ feɗ kotekenseɗolu kii Amerika bankoo kaɗ.

Suleyiman Daabo 28.02.2005

Birikaama kiitiibuɗ kutoo

Kiitiibuɗ kutoo, wo le daa yeleta Birikaama saatewo kono Arijuma tambilaa Febuwari karoo tili 25. Minista meɗ marata safaaroo, isinoolu aniɗ dookuu kuwolu la, *Edward Sinqate*, wo le ye a daa yele bankoo peresidaɗo Yaayaa Jamme tooyaa la. A ye diyaamoo meɗ ke jee, Edward Sinqate, janniɗ a be a yele la, a ko, ñiɗ buɗo be mansakundaa la feeroolu le kono, meɗ be dendiiɗ janjandiroo la. A ko, bundaalu aniɗ dookudulaalu mennu be Banjunu ñanta ka soto santoolu fanaa to le aduɗ ñiɗ kiitii buɗo mu wo feeroolu kono kiliiɗ ne ti.

A ko moolu mennu be santoo to aniɗ mennu be Tubaabukundaa bee ñanta ka i niyo soto bankoo la siimaɗ booloo kono le. A ko santonkoolu be feɗo bee soto la le ò ñanta ka meɗ soto masakundaa bulu.

Minista meɗ marata kiitiyo aniɗ luwaalu la, *Seek Tijan Hayidara*, wo ye a yitandi le ko ñiɗ kiitii buɗ siifaa le be soto la Baase niɗ Mansakonko fanaa.

Diyaamulaa koteɗolu ñiɗ dulaa to, wolu le keta *Musa Biteyi* ti, meɗ mu looyaalu la peresidaɗo ti, *Stephen Allen Brobbey*, kiitiibuɗo la ñaatonkoo aniɗ *Abudukarim Saveek*, meɗ mu ñiɗ kiitiibuɗo la joojoo ti.

Ñiɗ kiitiibuɗ siifaa, i ka a fo a ye "Kiitiibuɗ baa" (ankalee "*High Court*"), a nene maɗ soto Banjunu ye banta la.

Point, Mamadu "Justice" Daabo 18.02.2005

Kambiya kibaari safeerilaalu balanta Deeda Hayidara la faa la

Moo keme jamaa, wolu kono kibaari safeerilaalu aniɗ moo kotekenseɗolu, funtita Juma luɗo, Febuwaari karoo tili taɗ niɗ seyi *Westminster* siloo kaɗ, *London* saatee baa teema, ka ò la kamfaa yitandi Deeda Hayidara la saayaa la aniɗ hadamadiɗolu la ñantoo tiiɗnaa Kambiya bankoo kaɗ.

Ñiŋ kayira jerewo luŋo, moo jamaa ye a yitandi, maŋ ñoŋo soto beŋolu kono. Foloo meŋ i ye a loŋ ko Kambiya moolu nene ye wo le ke Ankaliteeri bankoo kaŋ. Aduŋ luŋo ñiŋ benta Kambiya la sanji taŋ naani fansotoo juuraluŋo le fee. Jerewulaalu mennu be kamfariŋ baake naata beŋ *Trafalgar* sukuwaayaa, ì niŋ ì la bandeeroolu, ì ye a safee mennu bala "Jumaa le ye Deeda Hayidara faa?"



Jerewulaalu naata taa *10 Downing Street*, ì be denkiloolu laa kaŋ. Moo wuli jamaa naata ka kafu ì la wolu kono, Ankalee tubaaboolu aniŋ tubaaboolu ka bo *Spain* aniŋ Barasiliyankoolu, mennu ye a fo ko de, itolu ka naa Kambiya bankoo kaŋ luntanyaa la ì la liifoo la.

A be kayitoo dii la Ankaliteeri la mansakundaa ñaatonkoo la tumoo menna, Aliyu Badaara Sowu ye a yitandi de, jerewulaalu niyo be toorariŋ baake le Deeda Hayidara saayaa la. Wo kamma la ì naata fo *Tony Blair* ye ko de, jerewulaalu be lafi la ka a si kattoo ke meŋ si a saabu luwaa si soto Kambiya bankoo kaŋ aduŋ a si Kambiya mansakundaa tontoriŋ, meŋ si a tinna, mennu ye Deeda Hayidara faa, ì si ì muta.

Point 16.2.2005 (Moodu Kante ye a yelemandi)

Kambiya la kodi kayitoolu la kuwo

Momodu Bamba Saho, meŋ mu bankoo la kodimaabo buŋ baa la ñaatonkoo ti, ye kumoolu soosoo le ko, ì maŋ patee ka kodi doolu dadaa kaatu sambii, ECO kodoo be finti la.

Saho, be diyaamu kaŋ Poyinti la kibaarulaalu ye tumoo meŋ na, a ye ñiŋ ne yitandi ko, hani ECO kodoo naata finti Julayi kari naalaa, a be waatoo taa la janniŋ a be ke la kuu looriŋ ti. A ye ñiŋ ne yitandi ko, bankoo la kodimaabo buŋo, be looriŋ ne ka kodi tiñaariŋolu faliŋ. A ye jamaa moolu bee kumandi, mennu ye kodi faraliŋolu soto ì si a samba ì ye ì faliŋ kutamaalu la.

Observer 11.2.2005 (Moodu Kante ye a yelemandi)

Armitage karambuŋo soronta foloo

Kibaaroolu mennu bota naŋ CRD maafango la ye a yitandi ko, ñaatonkoolu mennu be *Armitage* karambuŋo to, ye dulaa ñiŋ soronj ne foloo. Wo saaboo keta waatoo menna jii kuwo keta bataa baa ti karambuŋo kono.

Kumandaŋo meŋ be CRD bankoo kaŋ ye a yitandi ko, bayiri jii kuwo be koleyaariŋ je aduŋ, ka i miŋ baajiyo la, wo maŋ ke jaatakendeyaa ti, wo to ì be karambuŋo soronj na foloo fo ñaato.

Bari karambuŋo to dindiŋolu mennu be kireedi taŋ niŋ fula, wolu be tara la jee le kaatu ì ñanta ekisaamoo le ke la.

Observer 9.2.2005 (Moodu Kante ye a yelemandi)

Kambiya dindiŋ 50.000 niŋ feŋ maŋ tara karaŋo la

Bundaa meŋ be marariŋ karaŋo la bankoo kaŋ, ye ñiŋ ne yitandi ko, meŋ siyaata dindiŋ wuli taŋ luulu aniŋ feŋ, wolu le be bankoo kaŋ mennu maŋ tara taa kaŋ karambuŋo to, aduŋ ì maŋ mecoo soto, meŋ be a tinna la ì fanaa si kafu noo bankoo la yiriwandiroo la.

Babukari Booyi, meŋ diyaamuta karaŋo bundaa tooyaa la, ye ñiŋ ne yitandi ko, londoo bundaa ye kisikisiroo meŋ ke 2001 ka taa 2002, ye a yitandi ko, jamaa-jamaa wo dindiŋolu sanjoo be sanji woorowula ka taa sanji taŋ niŋ luulu.



Observer 4.2.2005 (Moodu Kante ye a yelemandi)

Kambiya be AU beŋ naala jiyaa la

Moofinduu bankoolu la kafoo AU, ye ñiŋ ne yitandi ko ì ye buuñaa dii peresidaŋ Jamme la, fo a si ì la beŋ baa meŋ be ke la Julayi karoo kono 2006. Fo a si wo jiyaa Kambiya bankoo kaŋ.

Kafudiŋolu ye niŋ ne yitandi ko niŋ i ye a je ìtolu ye ñiŋ buuñaa dii peresidaŋ Jamme la, ì laata a la ñaatonkayaa le la.

Point 28.1.2005 (Moodu Kante ye a yelemandi)

Mansakundaa niŋ M.A. Karafi la kambeŋo

Kambiya mansakundaa ye ì la buloo bo, ì ye kambeŋo meŋ siiñee, ì niŋ M. A. Karafi. M.A. Karafi niŋ Kambiya mansakundaa ye kambeŋo siiñee fo meŋ be a tinna la bankoo la kuurankuwo si tara noo Karafi la maroo koto.

Bari, kabiriŋ wo kambeŋo sitita, mansakundaa naata a je ko, feŋ doolu be kambeŋo ñiŋ kono, wo maŋ ìtolu nafaa. Wo naata ke sababoo ti fo mansakundaa a ye ì daa bondi wo kuwo kono.

Kambiya moolu fanaa jikilateyita le, kaatu waatoo meŋ na ì ye wo kambeŋ kuwo moyi ì bee ye ì la kontaanoo yitandi le.

Point 26.1.2005, Ibrahima Sawane

Moo meŋ ye a faŋ faa Kunjuuru

Ansu Baaji, meŋ siyo be sanjii taŋ wooro niŋ luulu, ì ko wo le ye a faŋ faa Kombo Kunjuuru saatewo kono ñiŋ waatiŋ kono. A kibaaroo keta saateemoolu ye niikuyaa baa ti aniŋ sunoo. Kibaaroo maŋ seneyaa, muŋ ne ye a tinna ñiŋ kewo ye a faŋ faa, bari ì ye a koroosi ko, waati sotota a maañaa yelemata le.

Observer 18.1.2005 (Moodu Kante ye a yelemandi)

Oposisoŋoolu tafuta ka APRC kafoo boyindi

Kambya bankoo la oposisoŋ kafoolu, mennu be bankoo kaŋ, wolu le tafuta ñoo kaŋ, ka ke kafu kiliŋ ti. Ì la hamoo mu ñiŋ ne ti ko, ì lafita APRC kafoo boyindi la le karitee fayi naalaa.

Wo beŋo keta nuŋ *Palm Grove* Hoteloo le to Banjunu saatewo kono. Halifa Salla, Laamini Juwaara, Siidiya Jaata, Amat Ba, Useenu Daabo, O.J aniŋ moo kummaayaariŋ doolu maabeeta jee.

Observer Januwari 2005 (Moodu Kante ye a yelemandi)

Siirafeŋ jawoo ye kewo meŋ faa

Kibaaroolu, mennu bota naŋ bankoo la poliisi bundaa to, ye ñiŋ ne yitandi ko, Najiriya diŋ doo le faata bankoo kaŋ Kambya jaŋ.

A la saayaa sababoo keta, tumoo meŋ na a ye siirafeŋ doolu, ì ka a fo meŋ ye kokeeni (*cocaine*), a ye wolu le kunuŋ fo a si tambi noo polisoolu la kuluntiilaa jiidulaa to. Bari, kese kiliŋ wolu kono naata feteŋ keendiŋo konoo kono, wo naata ke a la saayaa sababoo ti.

Jamaa-jamaa duniyaa kono moolu ka ñiŋ siirafeŋolu samba banki doolu to, ì ka ñinnu bula foolewo kono ka a kunuŋ, fo ì si tambi noo polisoolu la waraŋ duwaañoolu. Wo koolaa ì ka taa ñiŋ fintindi kamoo to. Bari jamaa-jamaa moo doolu ka faa ñiŋ kono le.